

*maintenances d'oc*

# PLUMALHON

Securitat  
en mar

Fèlix

IMO 931 8687

obesitat Minons







**A**quel animal gris sus un ròc es una fòca.

Tèxte e fotografias de Fred Lavail

# Las fòcas grisas



**U**na fòca sus las còstas de l'Atlantic, pas luènh d'en çò nòstre ! I a de fòcas grisas sus las còstas de l'Atlantic, dins d'endrechtes ont los òmes pòdon pas anar aisidament, coma dins qualques illas de Bretanha per exemple.

La fòca grisa es de bon conéisser. A lo còs long e lo cap en forma de pera amb son morre estirat. A la pelissa grisa e negra, tesselada de gris clar.

Las fòcas grisas pesan entre 120 e 250 quilòs quand son adultas e las pus gròssas pòdon anar fins a 300 quilòs.

**Q**uand son sus tèrra, son pataudassas, solide, e patisson per se bolegar, mas un còp dins l'aiga, nadan amb fòrça gràcia.

Lo peis es lor alimentacion de basa.

Lo pichon teta la maire. La fòca es un mamifèr.

Al cap de quatre o cinc setmanas, lo pichon sap nadar e se'n tira solet. Lèu, farà coma los adultes e saurà cabussar un vintenat de minutas fins a cent-trenta mètres de prigondor per pescar.



La femèla fa un pichon al cap de uèch meses e mièg de gestacion. La pichòta fòca pesa entre 15 e 20 quilòs per unes 80 cm de longor.

Las fòcas son protegidas. Pòdon viure fins a trenta-cinc ans se sabon escapar als tracanards coma los fialats dels pescaires.

